



14351

III Mag. St. 167

P

*Oratio Ioannis Panegyricus Serenissimo
Principi Ioanni Casimiro - exhibitus.*

PANEG. et VITAE

Polon. Fol.

№ 394.

P

M

1
m
o
o

4

PANEGYRICVS

SERENISSIMO PRINCIPI

IOANNI

CASIMIRO

POLONIÆ & SVECIÆ REGI

Magno Duci Lithuaniae, Russiae,
Prussiae, Masouiae, Samogitiae, Li-
uoniae, Smolensciae, Czerniechouiaeq;
&c. &c.

NEC NON

Succorum, Goth: Vandalorumq; &c. &c.
REGI HAEREDITARIO.

In primo aditu Maiestatis

SACRO SOLENNIQ; REGALIS INAV-
GVRATIONIS DIE

A

M. JOANNE RACKI PHIL: DOCTORE,
& in Alma Uniuersitate Cracou: Collegij Minoris
Professore.

EXHIBITVS.

Anno Regis Regum nati. 1649. Die Ianuar. 17.



GRACOVIAE,

In Officina Valeriani Piatkowski.

IN ARMA REGNI POLO-
NIARVM.



Inter Reges & subditos hoc interest, quod in-
ter vnum & omnia: Omnes Populares Principem
spectant vnum, vnus princeps omnes populares re-
spicit: ijs proinde vna satis est obedientia ad impe-
rium illi omnigenâ virtute opus est ad exemplum.

*Timon Philos. respondit Regi Parthorum Phraati
apud Bruson,*

PANEGYRICVS.



QVÆ precati sumus à Superis;
SERENISSIME POLONIARVM &
SVECIAE REX CASIMIRE. more
institutoq; maiorum nostrorum,
illo die, quo auspicato Comitijs Re-
gni Centuriatis, eximijs Ordinum
Regni, non sententijs solum; sed e-
tiam studijs atq; votis REX noster renuntiatus e-
ras; eadem precamur nunc ab iisdem Diuis immor-
talibus, vt illa solennis Comitiorum apprecatio, Re-
galibus auspicijs consecrata, tantam in se habeat vim
& religionem, quantam Reipublicæ postulat neces-
sitas; & vt ea res nobis, pacem, tranquillitatem, oti-
um & concordiam afferens exoptatam, fauste, feli-
citer, & prosperè eueniat vniuersis. Horret adhuc
animus, & vix non totis artibus atq; præcordijs con-
tremiscit, quoties illam plagam, quæ ex Morte Victo-
riossissimi olim VLADISLAI IV. iniecta est Rei-
pub. maxima, in his pristinae Fortunæ reliquijs, misc-
ris certè atq; afflictis recolimus: neq; se mens, à ti-
more ad spem colligere potest, dum illum, tam horri-
bilem casum, tam grauem, tam luctuosum & inspe-
ratum, qui non modo in Regno Nostro, cuiuslibet sta-
tus & conditionis homines afflixit; sed & apud exte-
ras Nationes omnium sermone & condolentia percre-
buit, commemoramus. Dolebamus enim, & vehemē-
ter angebamur, cum Regem illum, cuius Nomen ma-
gnum, vltra fines Regni istius, cum stupore gentium
apparuit, amisimus: deinde cum Regem eum, & Re-
gem amicissimum Reipublicæ, & Regem Patriæ Pa-
trem, quem antea Musis nostris, pro perpetuis, eius
in nos beneficijs, ornare solebamus, cum obijisse au-
dire-

*ben
a Divisore
de patris
esurner.*

diremus, cum sacrum Os illud Maiestatis plenum, cū
dexteram illam formidolosissimis quibusq; formi-
dandam, cum humeros illos Deo similes, quibus, ve-
lut Atlante cælum, tota Polonia nitebatur, cum to-
tum illud venerandum Corpus in feretro mutum &
squalidum, sine sensu iacere videremus, cum orbata
Sceptra, Coronam viduatam, & Mundum penē re-
lictum cerneremus, non tam afflictam Regiam Con-
ditionem dolebamus; quam de fortunis communi-
bus extimescebamus. Spectabamus Curiam, intue-
batur forum, Cælum etiam testabamur ipsum, quæ
cum vivente VLADISLAO singula, singularibus
splenderent præfidijs, subito morte ipsius perculsa
prostrataq; omnia, & quasi una Cervice Reipub. di-
gnitas hæreret, illo a nobis abeunte, confestim or-
bati & pupilli nos, triste nescio quid ingeminantes lu-
gebamus. Dolebat Senatus; mærebat Equester Or-
do, Respublica lenio ac luctu confecta erat, squalē-
bāt municipia, afflictabatur Colonia, agri deniq; i-
psi, non modo in Russia provincia; sed in Polonia,
quā longē latēq; patet, vniuersa, tam beneficum, tā
salutarem, tam mansuetum Regem desiderare vide-
bantur. O diem illam mæstissimam & amaram val-
dē! o triste & in exorabile fatum! o spes inanes o-
mnes & fallaces! Intellectum est quidem in multis,
sed maximē in meipso, & paulo ante in omnibus, in
illis præsertim offensionibus belli, authoritatem o-
mnium Ordinum, Maiestatemq; Reipub. in vnius ca-
pitis vita & integritate nixam fuisse: Quocunq; ocu-
los animosq; conuertebamus nostros, vndecunq; præ-
fidia sperabamus, quid potuimus aliud, nisi tumultu-
ari? nisi mære? nisi salutem innocentibus. opem
impotentibus & auxilium calamitosi desiderare? Ec-
ce vero, Serenissime REX CASIMIRE, conspe-
ctus iste Tuus multo iucundissimus, reficit & recre-
at men-

at mentes nostras, quando suffragio DE I immortalis, testimonio Senatûs, consensu Regni, confessione Nobilitatis, liberis omnium vocibus R E X Præelectus es & Coronatus. Cum enim intueor vnumquemq; nostrum, video tali tantoq; in numero neminem reperiri, cui Dignitas Tua cara non fuerit, cuius non extet in Te meritum, & qui Tibi non sint obstricti memoriâ beneficiorum sempiternâ. Itaq; non ex timefcimus amplius, ne hæc rerum mutatio nobis obfit, quæ prodesse sola potest, & debet: palam & ultro prædicabimus & dicemus in gentibus, quia Dominus regnavit apud Nos: hic Dominus Dominantium Interregni tempore moderno, regnavit & correxit orbem terrarum, qui non commovebitur: gaudebunt campi & omnia quæ in eis sunt. Vnde plantum verti in gaudia, lachrymas in risum, ferales illos & tragicos eiulatus, mirabili quâdam Catastrophe in plausus & gratulationes prorumpere nō reformidamus. Abeant iam ac recedant illæ voces, quas metus extorquebat hætenus, nihil hinc, quale antea emittimus: nihil enim, quale antea nos pati posse speramus: discernetur iam sermonibus nostris temporum diuersitas, & ex ipso genere Orationis intelligetur, quantum post illas Cinnani Syllaniq; temporis molestias rebus nostris remedium, & quanta Poloniæ pax, libertas & concordia affulserit. Habet hæc equidem conditio mortalium vices, vt aduersa ex secundis, & ex aduersis secunda nascantur: Occultat autem vtrorumq; semina Deus, & plerumq; bonorum ac malorum Causæ, sub diuersa specie latent: At sicut maris Cæliq; temperiem turbines tempestatesq; commendant; ita ad augendam Regni nostri, & liberæ Reipub. gloriam, quasi de industria fauente Cælo, hosce motus præcessisse credimus vniuersi. Si enim hæc ratio diuinitus parabatur, quæ Te publicæ

salutis gubernaculis admoueret, prope est ut exclamem tanti fuisse! Quocirca Serenissime REX, iam à timore ad fiduciam, à desperatione ad spem, à rebus perditis ad tranquillam Regni libertatem per Te redacti, restitue nobis illam, cui, sub felicissimis VLA
DISLAI IV. auspicijs insueuimus penitus, felicitatem & non degenerem fatorum clementiam ac fere germanam Frater & Hæres eius redde nobis. Ille quidem omnis anteaactæ vitæ fructum cepit maximum, cum hodierno die, summo dolore Senatus, tum præterea planctu Tuo grauissimo & maximo, tam in terris flebiliter tumultatur quam in cælesti Patria illa, ubi Beati æuò perfruuntur sempiterno Apotheosi (ut speramus) decoratur. Tu verò, cui in accepto Regni Diademate, tanta gloriæ facta est accessio, sis Felix & Fortunatus, sis Florēs & Beatus, ut pote ille, cuius ex Corona, & primo aditu Maiestatis, nō minor pene ad omnes; quam ad Te ventura sit lætitia, peruenit cum gratulatione. Cede etiam nūm affectibus nostris, & tribue propense in Te obseruantia libertatem ut hæc Tuis auribus sacris audire, quæ nobis præconia recordari Tua iucundum sit. Indignam illam & seruilem legem, quā Apelli tantum aut Lisippo soli Principem effingere cauebatur, Tu Clementissimus REX, in Regno libertatis abrogatam, fileri permitte. Sic & Diuorum morem accepimus, non tam accuratis adorantium precibus, quam innocentia lætari, gratioremq; æstimari istum, qui delubris illorum, castam puramq; mentem, quam qui meditatum carmen intulisset. Ego verò, dū IAGELLONIVM TE, CASIMIRVM TE, & CASIMIRVM, IV. quasi plaudentibus fatis admiratus, Fide Sapiaentiāq; fretus Tuā, debitam hanc Tibi Regni Regisq; prærogatiuam, non indebito cultu gratulabundus ostēdo, quæ so obtestorq; Maiestatem Sacram, ut aures Tuas, paulisper

his per à Regni curis auocare, nobis vero bona cum
venia impertiri digneris. Feram ut potero Serenissi-
sime R E X studio & voluntate, licet elingui fa-
cultate: quod si magnitudine laudum victus, per-
ferre non potero, opprimi me onere officij malo,
quam non pro eo, ac pietas mihi officiosa semel in-
dixit obsequium, quam lætitiā in alijs, cum faustis
ominibus videam, eandem in tātis omnium applau-
sibus non contestari.

Atque ut inde Oratio mea proficiat, unde au-
spicatissimæ huius Electionis ducitur incrementum,
satis Tibi Serenissime R E X, ad gloriæ fastigium,
cōmendationis, satis ad Regni huiusce Florentissi-
mi gubernacula Maiestatis, & amplitudinis satis, in
esse putabant vniuersi, ijs ortum esse Maioribus, qui
& imperium Oceano, Famam vero præclare facto-
rum terminarint Astris, & Augustissimi Austriaci sa-
guinis Hæredes effecti, neminem in orbe Christia-
no etiam ultra maria, hodie reperire possunt Mo-
narcham, qui Te sui honoris participem non vene-
retur. Nam quid ego Serenissimam I A G E L L O-
NIAM stirpem prædicare mutus contendam? quæ
omnium ferè gentium ætatumque memoriā celebra-
tur, quam antea cuncta sæcula deprædicant; quam ipsa
æternitas intuebitur, & in cuius laudibus, dum to-
tus Orbis desudauit, tacito eos venerari silentio, quo
tanta coluntur, malit, quam magna modis tenuare
paruis, præsumat? Obstupefcunt certè posteri,
Imperia eorum & Prouincias, non in Septemtrione
tantum nostro partas, sed in tota etiam Christiani-
tate, pugnas innumerabiles, incredibiles victorias,
munera, Triūphos, belli & Pacis artibus instructa Tro-
phæa legentes & audientes vestra: sed ita tamen,
obstupefcunt, ut dum in Vobis, quæ mirarentur plu-
rima

rima habuerint, etiam, quæ ex Vobis, in suum emolumentum & gloriam deriuarent, certatim Europæ gentes & Imperia postulârunt. Enimuerò dum trutinarent illi, cogitarentq; quales & quantos esse oporteat, eos quorum ditione ac nutu, pax, bella, terra & maria, regerentur: formantibus fingentibusq; sibi Principes, quos Deo immortalis æquata potestas deceret, in terris, raro vel voto saltem concipere licet similem ijs, quos nobis IAGELLONICI Principes demonstrârunt. Enituit aliquis in bello, sed obsoleuit in pace: illum quidem Toga, sed nō & Arma honestârunt: reuerentiam ille terrore, alius amorem humanitate captauit: alter quæsitam domi gloriam, in publico; hic in publico partam, domi perdidit: ad extremum rarus ad huc, vel nemo quorumcunq; Heroum, extitit optabilis ille, cuius domi forisq; spectatæ virtutes, nullo confinio vitiorum læderentur. At Principibus nostris, quanta concordia, quantusq; concentus omnis laudis & gloriæ, diuinitus contigisse videtur, vel in vnico Te Serenissime R E X, grandem anteacti temporis historiam, legere possunt omnes, Cuius seueritati, nihil hilaritate; grauitati nihil simplicitate, Maiestati nihil humanitate, & comitate nihil, detrahatur, vt in hac inopia virorum Fortium & innocentium simul copiosa, ij mihi Beatissimi videantur, apud quos Tu diutissime commoraris. Est hæc incredibilis Diuinaq; Virtus, vel potius virtutū officina, quas qui Princeps habeat, non eum ego hominibus comparare, sed supra mortalium sortem eleuatum, simillimum Cælitibus ipsis iudicarem. Quid cæteræ? quos in maioribus Tuis commemorant omnes; quantæ virtutes & quam multæ fuerunt? non solum enim imperandi in Principe bono scientia quærenda est (nihil est imperitius illis, qui in imperio nil nisi de imperio co-

rio cogitare volunt) sed multæ sunt aliæ artes exi-
miæ, Regni administræ Comitesq, Principatûs. Quâ
multas enim imagines Vestras, imaginumq; virtutes
excellentes, non solum ad intuerendum, verum etiam
ad imitandû expressas, tam nostri, quàm exteri scri-
ptores reliquerunt; quas cæteri, in administratione
Reipub. sibi proponentes, animos & mentes suas
ipsa cogitatione hominum excellentissimorum con-
formabant. Primus ille (ne longius abeamus) pri-
mus inquam ille, gloriâ, rebus gestis, Diuus VLADI-
SLAVS IAGELLO omnium sæculorum, omnium
gentium, omnis memoriæ facile Princeps: Parens
ac Deus salutis nostræ, fortunæ, memoriæ, nominis;
quod in Regno hoc amplissimo ad perpetuæ poste-
ritatis memoriam & imitationem, non reliquit exē-
plar? quod non perfecit ad vnguem officium? cuius
laboribus hoc firmatum imperium, virtute stabilita
dignitas, consilio aucta exaggerataq; fortuna, Cuius
autoritate, sapientiâ, pietate, vis legum in senatum,
grauitas iudiciorum in Curiam, Maiestas imperij in
Regnum est restituta. Deus immortalis! quantû
nobis beneficium dedisse videbaris, quod in illis for-
midolosis temporibus, grauissimo acerbissimoq; Re-
ipub: casu, ex hostili adhuc Lituania nobis Regem
prouidisti! quanto autem dedisses maius præterea
si debacchantibus in nos Crucigerorum procellis,
qui quæstu Prouinciarum pasti, cæde, cruore, tru-
cidationeq; hominum saginati, rerum antea secun-
darum in osentiâ inflati, spe & cupiditate victoriæ
inflammati, ad delendum nomen Polonorum, par-
tim ignorantia, partim negligentia nostrâ incitaban-
tur, & iam fastu ipso debellabant: si à primis bello-
rum initijs misisses. Obsecro Maiestatem Tuam
Sacram Serenissime REX, repere temporis illius me-
moriæ, pone illum ante oculos diem, ora ad inui-

cem conuersa, vultusq; hominum concursantium, a
nimo saltem, quod oculis non licet, intueri: quid
gladij illi ante aciem Gruneualdensem remissi age-
bant? cuius latus mucro ille petebat? quæ nostra
trepidatio? qui tumultus? quæ rerum Polonicarum
perturbatio? cum totus Occidens moueretur; cum
Prussia vniuersa atq; Masouia misere vastarentur,
cum Ciuiū vulneribus Respub. cruentaretur, cū in
nostras nobis Prouincias & Patrimonium Regni trans-
cursum, non modo negarent, sed flumine sanguinis
etiam intercluderent: cum nemo, aut egrederetur,
qui se non mortis seruitutisq; periculo cōmitteret;
aut tam firmum præsidium domi haberet; vt tu-
tus esset: Attulit tandem aliquando Fortuna Rei-
pub. nostræ Diuum IAGELLONEM, qui tantis in
periculis caput suum deuouit pro Patria, qui se im-
portunissimi hostis obiecit furori, qui bellum tam
turpe, tam vetus, tam late diuisum atq; dispersum
quod nemo arbitrabatur aut ab omnibus Imperato-
ribus vno lustro, aut tot iustis ab vno Imperatore
confici posse, primò debellauit, post repullulante
Hydram veluti, extirpauit ac sepeliuit. Longum es-
set persequi singula, sed tacentibus etiam nobis, ple-
ni sunt omnium libri, plenæ sapientum voces, ple-
na exemplorum vetustas, quam victoriosissimus iste
Bellator & Sarmaticus Alcides, sæpius cum hoste
confluxit, quam quisquam cum inimico concerta-
uit, plura bella gessit, quam cæteri legerunt, plures
Prouincias confecit, quam cæteri concupiuerunt:
qui ad scientiam rei militaris & institutionem, non a
alienis præceptis, sed suis imperijs, non offensionibus
belli, sed victorijs, non stipendijs militiæ, sed tri-
umphis & inuictâ magnanimitate utebatur. Itaq;
difficile dictu est, utrum fortitudinem eius ho-
stes timuerint magis, an Victi dilexerint, cum opimi
onc non

one non minus famæ; quàm aliâ certa ratione com-
moti, non ex Lituania ad nos vocatum; sed è Cælo
delapsum intuebantur Regem. Iam vero virtuti I A-
GELLONIS, quæ potest par Oratio inueniri? nõ
enim illæ sunt virtutes Regis Optimi solæ, quæ vul-
go existimantur, labor in negotijs, fortitudo in pe-
riculis, industria in agendo, celeritas in cõficiendo,
cõsilium in prouidendo, quæ tantæ reperiiebantur,
in hoc vno, quantæ in cæteris, quos aut legimus, aut
audiuimus, non fuerunt. Quid ergo quisquã nunc,
aut dignum eius virtutibus, aut Nobis nouũ, aut cui-
quam inauditum poterit afferre? quando ego Homi-
ni illi, ac Posteris eius, quando nos omnes gratias re-
feremus? quæ memoria? quæ vis ingenij? quæ ma-
gnitudo obseruantia, tot tantisq; eius virtutibus re-
spondebit? Audiant hoc gentes; obstupescant exte-
ræ nationes, atq; in hoc peruagato Orbis totius ser-
mone Cæli ipsi virtutem hanc ipsam deprædicent,
quam dicam, dicam autem liberè quod sentio: A-
musus ferè & illiteratus Rex, Cathechumenus ad-
huc, & vix primis pietatis initiatus rudimentis, hoc
specimen virtutis suæ, hoc indicium animi, hoc lu-
men dominatus sui maximum, ad perpetuam Regni
tranquillitatem & gloriam sempiternam putauit, si
in Centro Regni vel primaria Ciuitate, Domicilium
hoc Sapientiæ, Templum Sanctitatis, mentis, Con-
siliij publici, Caput vrbs, aram Spei, portum omni-
um hominum, sedem Musarum, ab vniuersa Repub.
nostro Ordini concessam, cum Diua HEDVIGE
sua erigeret, erectam dotaret, dotatam priuilegijs
perpetuis ornaret, & sancte inuolateq; foueri, te-
neri, ornari, æternis suis benedictionibus impera-
ret. Quàm non frustra ergo suscepti labores, quàm
non fallaces spes! nec cogitationes inanes Diue I A-
GELLONIS Tuæ. Nemo est enim tam ignarus rerum,

aut tam rudis in Repub. nemo, nemo vel tam nihil
de sua, nec de communi salute cogitans, qui non in-
telligat, sapientiæ huius integritate contineri suam,
& ex vnius eius vigore sartam tectamq; libertatem
pendere omnium. Quocirca hanc rem Tu Tuis ma-
ximis & innumerabilibus meritis semper & meritò
antepones. cæteræ illæ omnes Duce Te gestæ, ma-
gnæ quidem sunt, sed tamen magno multoq; comi-
tatu; Erectionis verò studij & Academiæ Cracoui-
en. fundatæ, Tu vnus cum Diua Conforte Tua es, &
Dux & Comes, quæ Tibi tantum efficiet, vt Tro-
phæis monumentisq; Tuis, nulla vnquam finem sit
ætas allatura. Age verò, an VLADISLAO Iagello-
nis, difficilior aditus est ad retentionem dignitatis?
Degēeres alibi animos defecisse timor arguat imbel-
lis, hic in sanguine illo, quem pro bono hominum se-
mel virtus effudit, summam fuisse dignitatem gene-
ris, integritatis, industriæ, Cæterorumq; ornamen-
torum omnium in cōfesso est; quibus frerum ad Re-
gni gubernacula prensanda, Filium Patri Succes-
sorem aggredi par erat. Nam cum hic, Paternis præ-
ceptis, multisq; literis institutus, à prima sibi adole-
scentia statim suafisset, nihil esse in vita magnoperè
expetendum, nisi laudem & honestatem, in ea vero
persequenda omnes cruciatus corporis, omnia pe-
ricula, mortis, & vitæ molestias omnes parui docē-
das esse, prætextatus ad huc, sed consumatus in bre-
ui, ætatem virtute præcurrit, & nouennis Rex Polo-
niæ Coronam apprehendit: Sexennio post, inuita-
tus ad Regnum Hungariæ, malum eius aureum re-
xit protexitq; felicissimè. Vtinam verò generosus
eius animus, & supra annos adulta virtus diutius no-
biscum vixisset? utinam Amurates ille Turcarum Ty-
rannus, qui pro pace supplex toties illi procubuit, ar-
dorem illum lachrymis suis extinxisset! Varna cer-

te non

tē non tam suo nomine, quā nostra clade nobilis
facta Cannas nobis in Hungaria non exhibuisset.
Quid verò CASIMIRI. III. humanitas, quā vel igno-
tis inclaruit: vel elementia, quā hostes etiam suppli-
cabundos recreauit, commemoretur? Huic non ar-
mis solum; sed beneficiā quoq; orbis Monarchas
expugnasse Fata concesserant, vt cum Sachmetes
Turcarum Imperator, & Carolus Daniæ Rex, ciui-
li suorum tumultu vexati, & vbiuis terrarum abiecti
exules profugerent, alylo apud CASIMIRVM in-
uento, alibi humiles & expulsi, in sola Polonia se Re-
ges esse meminissent & prædicarent. Quid IOAN-
NIS ALBERTI pietatem enarrabo? quem cum va-
lachi perduelles, ex tegmine fagi fraudibus adoriren-
tur, Cælum ipsum cum tempestatibus insperatis,
sub eius signa transcriptum, pro Rege pio, contra
Valachos Turcasq; militauit. Quid ALEXAN-
DRVM vel in morte Scythicos lixas deuincem?
Quid SIGISMVNDVM I? quid AVGVSTI parem,
tanto Nomini famam & imperium prædicabo? non
possunt illi luculentius, non possunt nunc prædicari
omnes, quā tunc superstites illi nominis gloriam
sibi parauerunt immortalem. Neq; enim hoc dis-
simulandum est, quod obscurari non potest; sed præ
nobis ferendum: Trahimur omnes laudis studio, &
optimus quisq; maximè gloria ducitur; Illi vero ex o-
mnibus præmijs virtutis (si esset habenda ratio præ-
miorum) amplissimum sunt præmium gloriæ con-
secuti: hæc illis breuitatem vitæ posteritatis memo-
ria consolabatur; hæc modo effecit, vt absentes ad-
sint, mortui viuant: hæc deniq; vnica est, cuius gra-
dibus etiam in Cælum ascēdisse videntur. Ergo quā-
tū consilio, quantū grauitate, quantū regendi
prudentiā SIGISMVNDVS I. Maximus Rex & læ-
culi sui Ornamentum valuerit, nemo ignorat: Feli-
cem

cem te SIGISMVNDE I. deprædicat omnis ætas, ex
Consorte quam Bonam accepisti: Feliciorem ex
Filio quẽ Augustum Regem & Rex & Pater. rexisti
Felicissimum ex Filia Catharina, in qua, frustra alibi
quæsitos Poloniæ Reges, nobis IAGELLONIDAS conser-
uasti. Te verò SIGISMVNDE III. Potentissime Rex,
per quem nobis, quasi rediuiua generis huius præro-
gatiua cum pietate resplenduit, qui nobis totū hoc,
quantum cunq; est, quod certè maximum est, iam ad
paucos redactum, quasi ab interitu vindicasti, qui-
bus laudibus efferemus? quibus studijs prosequemur?
quā beneuolentia complectemur? Equidem
nō errauit, nec errabit iste quisquis in Manipulo Tuo,
tot Reges; quot spicas, tot inuictos animos; quot
culmos, tot viuos Regiarum virtutum splendores;
quot grana assignabit: Tuus opinor ille Manipulus
erat, qui consurgere in agro Domini & stare adorā-
dus putabatur: Tu Filius accrescens Ioseph: Filius
accrescens & decorus aspectu: Tu non consilijs Pa-
trui Regis supplantatus fuisti, sed Dei voluntate huc
missus & transplantatus, qui fecit Te quasi Dominū
vniuersæ domus, & Principem in omni terra Se-
ptemtrionis: Tu in Patrocinium Cælestium rece-
ptus: Tibi hoc Regnum præparatum diuinitus, vel
teste Erico & Patruelibus minis poteras non imme-
ritò gloriari. Et quoniam Serenissime Rex CASIMI-
RE ei succedo Orationis parti, quæ non præteruecta
fit aures nostras; sed nostra memoriā facta in animis
omnium penitus insidet & demoratur; quæso obte-
storq; Te, vt plus voluptatis ex viua recordatione Tu-
orum; quàm non modo ex mea; sed excuiusquam
Oratione percipias, neq; quid dicatur tantum; sed
etiam; quid dici debeat, contempleris: hoc enim
dignum Vobis, dignum excellentissimā vestrā præ-
præstantissimaq; gloriā, dignum deniq; officio Re-
gali

gali vestro videtur, vt quandoquidem summa Fortuna in Vobis cum summa virtute certarant, quoniam omnium iudicio, plus vobis, quam homini, conueniat, tributum est, & potentia vestra, proxime ad Dei immortalis Numen accedit, adhibeatis in hoc nostro vmbratili genere sermonis sapientiam illam, quam soletis. Quæ est enim ora? quæ sedes? qui locus? in quo non extent Patris Tui victoriosissimi Regis, tum fortitudinis, tum humanitatis, tum animi, tum consilij impressa vestigia? O nomen nostri imperij! o Poloniae excellens dignitas! o SIGISMUNDI III. sic longè lateq; diffusa laus, vt eius gloriæ domicilium, communis mundi finibus terminetur." o nationes! vrbes! populi! Reges! & Tyranni, testes SIGISMUNDI, non solum virtutis in bello; sed etiam Fidei Religionisq; in pace: Vos deniq; mutæ regiones imploro & obtestor! vos sola terrarum vltimarum: vos maria, vos portus, Insulæ, littora: quis enim locus est, quo nō illius diei fama peruenierit, quo Osmanus Orientis Tyrannus bellum, (an diluuium dicam) Bellum inquam formidolosissimum, quod & nauibus aduexerat, vt ipsi fluctus, armatis quodam modo procellis aucti, ferale quoddam diluuium, in nos deuoluerent, & per vastissima terrarum spatia, æquæ feris hominum ac belluarum lacertis, in Valachiam cis Chocimum apportarat, vt Telluri quoq; ipsi, & non solis nobis graue esse crederetur: hoc inquam bellum, ad quod properabant, Regna potentissima, renouabantur subiectæ nationes, tota Asia & Africa, quasi ad eradendam nostri memoriam armabantur; derepentè Osmanus deferere coactus, victus, profligatus, abiit, excessit, euasit, erupit: & à Polona virtute vinci posse edoctus, tributario metu Europam vniuersam liberauit. In illo atrocissimo post hominum memoriam Martis theatro, cum ex

hac parte pudor pugnaret; illinc petulantia, hinc fides; illinc fraudatio, hinc pietas, illinc scelus, hinc honestas; illinc turpitude, hinc æquitas, Temperantia, fortitudo, cum iniquitate, cum luxuria, cum temeritate cum vitijs omnibus Machometicis confligeret, nonne etiam si Cecoriani vulneris nondum cicatricem obduximus? etiam si sociorum studia, & Christianitatis auxilia deficiebant? nonne Diui ipsi immortales, ab his ipsis virtutibus vestris, tot & tanta vitia superari, coegerunt? Iacet ille nunc Osmanus prostratus hostis, & se deuictum esse etiam mortuus recognoscit, & retorquet oculos liuescentes Turcarum, profecto sæpe ad hoc Regnum, quod ex faucibus tuis olim ereptum, strangulatus lugebat. Ergo Nos tunc in illis Chocimensibus campis Turcis Vires deficere, nobis voluntatem deesse, ad subiugandum Orbem terrarum ostendimus manifestè: Sine controuersia enim tum temporis debellauimus hostem, magnificèq; vicimus, & ne in posterum vlla pernicies nobis, ab illo tam potenti & audaci monstro; in Poloniam intentetur, effecimus, transegitur! Nemo iam abhinc steriles illos & desertos campos aspernetur, in quibus è barbarorum cruore reuixit Europæ securitas: Murus abhinc Christianitatis Polonia & Clypeus Imperij Rom. celebratur, postquam vel inferni ipsius portas, non præualuisse aduersus eam Orbi innotuit: SIGISMUNDI vero Regis Potentissimi laudes & laureæ Triumphales, quæ iam in Capitolio immortalitatis æternum radicatae, florent florebuntq; in perpetuas æternitates, hic & vbiq; locorum virescant. Ille tunc obiectu laterum suorum Orbem defendit vniuersum: Ille mucrones hostis hebetavit: Ille incensione vrbes, ille vastitate prouincias: ille interitu Poloniam liberauit, & qui vltimi solent esse exitiorum exitus, ille ex portis inferna-

fernalibus, potio rem hanc Mundi partem, & ex fau-
cibus Fati eripuit: ille sartam integram, & usq; ad in-
uidiam Orbis florentem conseruauit Poloniam, Tu-
us & Patriæ PATER SIGISMVNDVS. Reliquæ
verò Victoriæ eius, quæ frequentia iâ & multitudine,
pretium cum æstimatione perdiderunt, cur obsecro
a nobis referrentur? Ridiculum esset omnino, ad ea
quæ videmus obstupescere; vocibusq; hæreret, & plu-
ra desiderare velle; & cum habeamus viuos testes
bellatoresq; Filios, qui & Patris triumphos decoras-
sent, & rebus communiter gestis, pene simul cum
Patre triumphassent: qui adiumento in periculis,
solatio in laboribus, gratulationiq; in victoria fuis-
sent, hominum ipsorum recentem memoriam tace-
re, literarum uerò monumenta flagitare ridiculum.
Quasi uerò Patriarcha ille SIGISMVNDVS, qui fru-
mentum Electorum Orbis fami præparabat; non id
perfecerit; ut tantum ei debitum sit, unde etiam
quod Posteris solueretur, redundaret: quasi non ad-
fis Tu, summâ authoritate, usu maximo & pruden-
tiâ incredibili Rex: qui quæ Pater Tuus Fraterq; ges-
serunt, Tu præ cæteris particeps omnis gloriæ me-
ritorumq; factus, omnia Regis Optimi officia, Te
non opinari; sed scire, non audiuisse; sed vidisse, neq;
vidisse tantum sed egisse dicas. Nescit priuatus, nescit
quantum Regij valent Infantes, nomen tantum virtu-
tis eorum vsurpat, quid ipsa valeat, ignorabit. Non
ad alienas exedras, illa omnia discuntur, quibus Re-
gna & imperia conseruantur, non ex isto literarum
ludo, aut palæstris Regnandi artes accersuntur, sed
cū lacte materno, statim animos & statim auspicia caper-
sunt Reges, ubi primum ex fascijs resolutas expli-
cant manus, statim nō vbera Parentum; sed Sceptra
& Coronas Imperiorū apprehēdūt. Te verò Ser. Rex
quem in cunctis viuendi rationibus exercuit Fortu-

E

na,

na, cui fors campum dedit amplissimum, in quo ex-
currere virtus Tua cognosciq; possit, quid est quod
quisquam in Regni prærogativa, interpellare aude-
ret? Magna laus & solus VLADISLAI fuit olim, ad
liberæ Gentis Sceptra, sine æmulo accessisse. confu-
sum ambitionis ordinem mirabatur Orbis terrarum,
cum in medio positum, & votis omnium patens Re-
gnum nemo ambiebat, cogitâs decora VLADISLAI,
cum perspiciebat propensionem Polonorum; inter-
cessionem omnium & studia in Fratrem Maiorem ve-
stra. Porro Orationem illâ Tuâ, quâ Electionem Fra-
tris Primogeniti eligendus & ipse suadebas, an non
prouidentia Dei & iustitiæ ductu tam feliciter ces-
sisse videmus; vt eodem tenore CAROLVS FERDI-
NANDVS Serenissimus Princeps, inflammatus E-
lectionem Tui suaderet, quasi par pari reddere vel-
let? Miserum est abundare quondam Regibus in de-
fectu Regnorum, at modo gloriosum! Fraternali pri-
mo maduerunt sanguine muri Romanorum, at Fra-
terno sanguine Principum Optimorum stabilitur di-
gnitas Poloniarum! Quocunq; Serenitatis nomine
censerentur alij Competitores, id tamen Vbiq; exti-
terunt, vnde orbis incendium erumpebat: at apud
nos cum in vna Patria omnes omnium charitates, &
se ad inuicem complexi essent, Regni Candidati, al-
ter statim alteri onera portare, alter alteri honori ve-
lificari, & quasi Castor cum Polluce, vel ipsam im-
mortalitatem Vobiscum partiri contenditis, saluta-
ria Rebus publicis Sydera Vos Optimi Fratres! Itaq;
quod vix optadum quidem hominibus erat, non du-
biâ fidē Sereniss: REX neq; falsâ opinionē iniecisse vi-
deris, subditis Tuis Felicitatis illius expectandæ,
quâ liberaliter hucusq; cum stupore gentium frue-
bantur. Concordia hæc Rerum publicarum Nu-
trix & Mater est: Concordia altrix felicitatis: con-
cordia

cordia demum, si fractus illabatur Orbis, inuictos ac
infractos sub pondere rerum efficiens, quæ tandem
non porrendit nobis omnia? quæ non prælagit au-
spicia?

Est mihi tanti Serenissime Rex CASIMIRE su-
bire laudum Tuarum Materiam, ut Te quem modo
præsentem intuemur, cuius mentem sensusq; &
os cernimus, qui nobis totum hoc, quidquid eâ Inter-
regni tempestate Fortuna reliquum fecit, saluum esse
velis: non modo Cæterorum Regum exæquare orna-
mentis, sed etiam præferre possim. Neq, enim, si
VLADISLAVM amissimus, in quem Diui atq; homi-
nes omnia decora congegesserunt, idcirco iam animis
concidere debemus: Quantum nomen eius fuerit
& dexteritas, quanta in omni genere bellorum fama
& victoriæ, quanti honores; tanti sunt Tui, eruntq;
tanto ille Prædecessores suos vicerat gloriæ omnes,
quanto Tu omnibus præstitisti. Itaq; attoniti quodā-
modo tātisper & ad Fortunā eius obstupescētes, bella,
victorias, Triumphos, res tam in Sago quā in To-
ga gestas numerabamus hactenus, Tuas vero ex hinc
admirari incipimus. Videmus victoriam Tuam, in
Ciuli hac rebellium secessione factam, gladium va-
gina vacuū in orbe nō videmus. Vidimus Volhyniam
Podoliam Pocuciam, totamq; adeo Russiam Roxo-
lanorum, Russiam inquam, Cellam penarium Po-
loniæ & Horreum opulentissimum Regni; vidimus
inflammari, exscindi, funestari: neq; id fieri ab hoste
iusto & externo (quanquam id esset miserum ac do-
lendum) sed ab excurso, a transtuga, a Spartaco;
qui velut Armiger Catilinæ, signifer seditionis, con-
cinator tabernariorum, damnatus iniuriarum, per-
cussor; lapidator, speculator intentus occasionum,
qui vitam omnium, bona, fortunas, coniuges, libe-
ros, atq; hoc clarissimum Septemtrionis domicilium

fortunatissimam pulcherrimamq; Rempub. hanc;
vel inuertere vel infirmare cogitabat. Dura nobis
(proh Diuûm hominumq; fide!) dura inquam Po-
loniæ videbatur Fortuna & crudelis, quæ tot men-
ses illum nobis insultare videret & pateretur: Pollu-
erat sanctissimas religiones, Senatus grauissima de-
creta perfregerat, Ordinum consensum, ne saluam
Rempub. vellent, disturbârat, omnem sexum condi-
tionelq; vexarat, alios patriâ expulerat, aliorum bo-
na diripuerat, Magistratus omnes abrogarat, iustiti-
um indixerat, nec tam de libertate sua; quam potius
de nostra seruitute cogitârat: Capere eius amentia-
m Rulsia, Cæteræq; Prouinciæ, atq; adeo Regnû
totum non poterat: incidebantur iam fortè leges,
quæ nostris nos seruis addicerent: Nos autem viri
fortes! in tam acerbo Reipub. Casu, satisfacere Rei-
pub. videbamus, si ipsius furorem ac tela vitaremus!
O tempora o mores! quid miserius enim? quid lu-
ctuosius? quid funestius potuimus videre? Sed
magna Deo habenda est gratia atq; Diuis Indigeti-
bus, Custodibus & Patronis Regni huius, quod tam
tetram, tam terribilem, tamq; infestam Reipub. pe-
stem incolumes effugimus: Magna Tibi Serenissi-
me Rex, qui liberis parentes, qui parentibus liberos,
qui fratribus fratres qui literas, qui dignitatem, qui
ordinem, qui fortunas, qui Rempub. saluam, qui nos-
metiplos nobis ipsis deddidisti. Quod si Parentes
charissimos debemus habere, quod ab ijs nobis vita,
patrimonium, libertas tradita est; Si Deum immor-
talē, cuius beneficio & hæc tenuimus, & Cæteris re-
bus aucti sumus; immensum quiddam & infinitum
est; quod Tibi, debeamus; cuius singulari victoria &
protectione, Parentum beneficia, Diuorum Patro-
norum munera, & Senatûs populiq; Poloni honores,
postliminio reuocantur, vt cum magna maioribus

Tuis

Tuis; innumerabilia Parentibus, omnia Deo immortalibus debeamus, quod hæc singula per ipsos habuerimus, nunc verò malignitate fortunæ erepta & recepta per Te recuperauerimus vniuersa. Quare quod vix credibile erit, immortalem gloriam & honorem Tu nunc adeptus esse videris, dum Te iam Felicem, Victorem, felices & victores ipsi appellamus. Quod enim tempus erit vnquam? quo huius beneficij Tui memoria & fama moriatur? qui illo ipso tempore, cum Vi, cum ferro, cum metu, cum minis crudelibus cincti teneremur (talibus enim rumoribus patebat ad Orientem via, nec mitiores vlli sublequebantur) Tu non multò post REX primò renunciatus, non, modo nos ista calamitate, sed etiam, formidine calamitatis liberaſti. Ergo non, iam, ad latera nostra ſica illa rebellium vibrabitur non in foro; non in templis, non deniq; inter domesticos parietes pertimeſcemus: quos verò amiſimus ciues, illos Nemesis quædam & Martis vis perculerat; non victoria Tua. Atq; hoc vincendi genus Tuum, & hæc Patriæ occaſio liberandæ: hæc ſine ferro, ſine cæde; ſine iactura Ciuium, dum Mars Optimū quēq; in acie ſibi pignorari ſolet, ſalutaris iſte Tuus procedendi modus, vt victoriam iplam viciffe videris: Tibi Sereniſſime Rex meritò atq; optimo iure, auſpicijs Regalibus ſuffragantibus debitus eſſe videtur: Quis enī eſt Te, aut generis claritate? aut prudentiā regnandi? aut partium optimarum ſtudio? aut vilo genere laudis preſtantior? Prætero hic victorias Tuas, quas Martepalā domi foriſq; plurimas cōparaſti: Sileo bella laboresq; Herculeos pro ſalute quondam Reipub: exantlatos: Non commemorabo vigilas militares, quas Tu & Ductor & miles non abnuſti: vt quid enim antiqua hæc, ex annalium memoria reuocentur? cum præſentia iſta magis delectent,

& quibus Regnum merito debeat? Sciet posteritas virtutes & Merita Tua; cum milites ipsi admiratione simul & veneratione laborum Tuorum, Tecum arma; Tecum in ediam, Tecum ferrent sitim: Habebas ubi ostenderes illam præclaram patientiam Tuam; cum in illa meditatione campestri, militaribus turmis sudorē, pulueremq; Regium misceres: cum libero Marte nunc cominus tela vibrares, nunc vibrata susciperes, alacris virtute militum & lætus; quoties aut cassidi, aut galeæ Tuæ grauior ictus incideret: Laudabas quippe ipse ferientes, hortabarisq; ut auderent, & audebant iam, cum Ductor Tu Spectatorq; certaminum, arma ipse componeres, tela ipse tentares, ac ne quid durius accipienti videretur, ipse iaculareris. Hac mihi admiratione dignus quicumq; Dux non videretur; si inter Fabricios vel Scipiones, si inter Lælios vel Catones, si inter Attilios, vel Camillos tam egregius reperiretur, vel si tertius è cælo descenderet Cato: Tunc enim illum imitationis ardor: tunc Heroica illa virtus, & semper cum melioribus crescens æmulatio accendisset: Postquā verò tempestate hac, cum iniuriā temporum; tum ignaviā nostrā, celeberrimum illud studium armorum, à manibus ad oculos & ad voluptatem à labore translatum est: postquam exercitationibus bellicis, non veteranorum aliquis, cui decus, Muralis aut Ciuica Corona comparauit; sed è media disciplina pueritiæ, comptuli quidam atq; delicatuli; Tyrones inexperti, ex agro iam, vel ex iure manu conferti, non, mage ferro rem repetunt; quàm magnum & admirandum erit Serenissime Rex; Te Patrio more, Patria virtute lætari & à primis vnguiculis iam exercitatum fuisse; ut sicut modo regere Regnum constitutus es; ita olim dignum Te præstare, qui Rex Regum militumq; Polonorum decernereris. Hæc Tibi tunc incū-

incunabula fuerunt meritorum, hæc pueritiæ blandimenta, hæc exercitia inuentutis, cum militiæ domiq; & in belliciosissimis Nationibus quibusq;, vbi eunq; Martis schola & domicilium putabatur, diuersa genera & hostium & bellorum lustrasses, vt nulla res modo in vsu militari posita reperiatur, quæ Tuam bellandi scientiam incredibilem fugere possit. Testis erit Prussia, in qua Tu prætextatus admodum adolescens, sub auspicijs, ductu & oculis Paternis, contra domus Tuæ hæreditarios hostes, prima rudimenta, in Castris ad Mariæburgum posuisti: Testis Moschouia in qua Tu contra Schinum Ducem & Fædibragos hostes profectus, ad extrema ferè redactos Smolenscenses, Tuæ legionis potissimum subsidio in spem erexisti, obessoribusq; ipsis obsessis & ad pedes Regios humiliatis, Fraternæ victoriæ maxima pars & Gloriæ Triumphiq; particeps fuisti: Testis Valachia, in qua Tu, contra infensissimos Christiano Nomini Turcas, cum Triumphali Fratre perrexeras; sed Murtazzi-Balsà ad saniora pacis consilia reuerso, vestrisq; ad Borysthenē nuper Laureis perterritis, solâ maiestate armorum ostentatâ, propè eos vicisti, cum sic Turcas expulisti: Testis Germania, quæ à Te auxilium absente expetiuit: Testis Hispania admiratrix Virtutis Tuæ & donatrix Regnorum: Testes verò iam omnes oræ atq; externæ Nationes: Testes; quas Tu ita lustrasti, vt illustrares, & ita vidisti vt ad Nominis Tui memoriam & prædicationem vno ore Christianitatis totius laudem & admirationē meruisse videare.

Sit ergo clarus ille CASIMIRVS I. cuius ope & consilio religionem didicit Polonia, periculosasq; de Regni statu controuersias consopiuit: Ornetur alter eximiâ laude CASIMIRVS IVSTVS, qui malo Principi ad fluctuantis iam Reipub. gubernacula suffectus,

fectus, onera grauia & paupertatem ab indigenis amouit, domesticos motus placidè composuit & Ruffiam Prussiamq; Prouincias, ne tumultuari in posterum contra Rempub. præsumerent, iustissime sanctissimeq; perpacauit: Sit in æterna gloria CASIMIRVS MAGNVS, cuius res gestæ atq; Virtutes, iisdem quibus cursus solis regionibus terminantur, & cuius temporibus in Poloniam Pax cum Musis, gloria cum diuitijs immigrauit, & opulentia Ciuium Poloniæ ad inuidiam Ducum, Regum & Cæsarium effulserat. Anteponatur his omnibus Tuus ille Tuæq; Prosapiæ Propagator CASIMIRVS III, qui vt numerosa sobole Felix; ita belli pacisq; artibus prudentissimus, diu recusatum tandem suscepit imperium, vt illud seruaret. Erit erit profecto inter, vel vltra horum, laudes, locus Tuæ gloriæ, erit præconijs excellentia, & maiestati prærogatiua erit. Te olim Religiosum & Pacificatorem Casimirum, Te iustum & victorem, Te magnum & exteris inuidendum prædicabunt æternum historiæ: Te non Casimirū Andreā & virilē; sed *ανδρα πολυτροπον ὃς μάλ᾽ ἔοικεν πολλὰ πλεονεχθῆναι, πολλῶν δ' αὐτῷ παρ' ἰδὲν ἀστειᾶς καὶ νεοῦ ἐγνώ* Musæ nostræ velut Vlysssem celebrabunt. Peragrafti enim gentes immanitate barbaras, multitudine innumerabiles; locis infinitas, & quidem ita peragrafti, vt nunc deniq; incipiant credere, quod olim incredibile quiddam, & falso proditū videbatur; Te tātā māsuetudine, tantā humanitate fuisse, tātā inocētia ut lagellonicæ virtutis cōpendium? Tua verò Te, Tua vbiq; seruauit Fortuna, Tua pietas & Fortitudo, Tua protexit, Tua bonitasquæ & olim Parentes Tuos in Suecia ex vi prælētis fati eripuit semper Stabas. Tu in magna Cōstātia, ac Regali Matris Tuæ magnanimitate Princeps, aduersus eos, qui Te angustiauerunt, non expectabas nec supplicabas ijs, vt in peregrinum essent mitiores, qui

qui erga suos naturam exuerunt, Vindici Deo impostorum illam imposturam, retribuendam cōmittebas. Miserum? cheu miserrimum Regnum! in quo tantum insolentiæ contra innocentiam, temeritati contra securitatem, simulationi contra candorem, iniquitati contra iustitiam licebat! Equi dem ad primam ineluctabilis illius Tragicomædiæ famam, vt vniversus planè orbis Catholicus, dolore pariter ac fremitu inhorrescens, publicam eo nomine querelam & indignationem iactabat; Ita & Fas, & Aequū, & Religio, & Sanguis, & Ius Gentium & ipsa societatis humanæ necessitudo, nescio an non vim passa Cælum Orbēq; hactenus appellent: certe noster hic Sarmaticus Orbis innocens adhuc & quæ superūm clementia est, nondum istā noua tuendi statūs Cæcopolitā imbutus, crudele ridens scandalum, continere se nequibat, quin publicā legatione, licet videret transcendendi politicos fines, integritatem Tuam, ab hac ipsa labe & desertoribus vrbauitatis requireret. Sed apud quem hæc dico! nempe apud eum Te, qui cum hoc scires, nihil esse tam commune hominibus, quam spiritum viuus, terram mortuis, mare fluctuantibus, littus eiectis; quæ omnia publici iuris per naturam facta, nullis vnquam aduenis suis, barbaria negabat, tamen Regali animo arbitratus verè Regium esse iustitiā & beneficentiā magis quàm gladio homines superare: Vnicum illud satis proferre habuisti (Tuis enim mihi verbis vtendum est) CHRISTIANI EST PERFERRE INIURIAS, AN AVTEM CHRISTIANISSIMORVM SIT EAS INNOCENTIBVS IRROGARE, DEI ET ORBIS IUDICITVM ESTO; dixisti. O clementiam admirabilem Serenissime REX Tuam! o infractam magnanimitatem! o Christianissimam pietatem; atq; omni laude prædicatione, literis, monumentisq; condecorandam! Quantum poterunt literæ contendunt

H

vt hoc

vt hoc totus Orbis exaudiat: hæc non modo mirabilis est, sed prodigij similis Scientia Sanctorum, cuius qui Tibi nefarius extitit author, prius ille suam amiserit humanitatem; vt inueniret Tuam. Sed motos præstat componere fluctus: Admurmuratio iam Orbis Catholici facit Serenissime Rex, vt agnoscere videatur, qui hæc fecerint: Ego autem neminẽ nominabo, vt irasci mihi nemo iustè possit, nisi qui de se prius voluerit confiteri. Tibi hoc Regium est, IOANNIS est, IOANNIS inquam Aui Tui Sueciæ Regis & Patris SIGISMVNDI hoc est: Dum namq; his Ericus Auus insidiatur, confestim apparitione mirabili ministratorij Spiritus Cælestis Angeli perterritus, & ab inceptis machinationibus desistere iussus erat; alioquin Regno ipse deturbari, & vt Nabuchodonosor olim infra bestias proiectus, brutis insipientibus comparari debebat, vt IOANNES ille cum Patre Tuo SIGISMVNDO hæreditatem caperent salutis. Iamne igitur vides Serenissime Rex, iam ne sentis, quæ sint ornamenta dignitatis Tuæ? quæ vt in STEPHANO olim fortissimo Rege, ex maiore flamma, ad Coronam prorumpentia Omina Felicitatis? Nemo queritur hinc quereturue, aut Tuam imminutam dignitatem: aut suam posthabitam libertatem: aut extorta suffragia sua; nemo se sua spe defunctum affirmabit: nemo eligendo errasse sua vota damnabit, & fauores suos exprobrabit nemo: Video enim oculos atq; ora omnium in Te vnicum esse cõuersa: video quod oculi Tui, supercilia, frons, vultus deniq; totus, qui sermo quidam tacitus mentis est: video adhuc, quod ætatis Tuæ virilis planè & inflexa maturitas, nec sine quodam munere Dei, ad augendam Maiestatem ornata Cæsaries, vt Te lōge lateq; potentem, castum, sanctum, Diuis simillimum Principem ominantur. Quidni verò talem esse oportuit? quem electio Po-
iona,

lona, quem præcedentes Interregni motus, & quem
exorata terris Numina dedissent? Et cur obsecro IAG-
GELLONIVM TE, CASIMIRVM TE, & TE CASIMIRVM Quar-
tum (o Diui immortales auscultamini quæso & be-
nedicite hoc Nomen) Quartum inquam CASIMI-
RVM salutamus? Permite adhuc hoc loco Cle-
mentissime Rex (sicut Poetæ solent, qui ex Nomine
ominantur) Tetragrammaton istud seu Tetragonum
Nomen ex antiquæ Philosophiæ depromi arcanis: Si
enim perfectum virum, teretem in se atq; rotundū
esse debere, definientes veteres Sapientiæ Magistri;
quadratum tamen eum immobilem; inextermiabi-
lemq; decreuerunt: si quatuor terminis omnem so-
lilitatis consistentiam cōcluserunt: si quatuor Cor-
poribus Architectatrix Natura, totum vniuersi sub-
lunaris molem constituit: si Pythagoræi tantum
Quaternario tribuerunt: vt sacrum istud & iuran-
dum Nomen in Iuramenti rota collocarent; quæ me
hercule arguet antiquitas, si Te Cælo & Fatis de-
cretum, Te votis publicis concupitum, & ab æterno
ratum ad solium Regni iure aspirasse, & VLADIS-
LAV IV. Quartum CASIMIRVM succedere debe-
re affirmarim? Pridem Tu in Regnatrice hac Regi-
one regnare merebaris; sed nescissemus, quantum Ti-
bi deberet Polonia, si ante Electus fuisses! Aduenit i-
stud, quod destinabatur tempus in quo manifestè li-
queret, non tam accepisse Te beneficium; quam de-
disse. Corrupta est disciplina castrorum; vt tu cor-
rector existeres: inductum pessimum exemplum, vt
melius opponeretur: cōfugit in sinum Tuum Resp.
vt Atlanteis viribus Fratrīs sustentatā & iā mole sua
grauē, tu nō dispari omine Rex velut Hercules eam
sustineres. Et sanē, cum hæc Tua tot tāta decorare
cordabere, etsi persæpè felicitati Polonæ; tamen ple-
rumq; virtuti Tuæ cōgratuleris, necesse est: Omnes
G 2 enim

enim, qui istius temporis armis, fato sumus nesciē
quo, misero certē & funesto perfuncti: etsi aliq̃
culpā tenemur erroris humani, iam tandem tantās
crorum profanorumq; ruina, tandem sumus expiati.
Non fuit recusādum in tantis tumultibus tantoq; ani-
morum ardore & armorum, quin turbata Respub.
quicunq; euentus fuisset, multa perderet & ornamē
ta dignitatis & præsidia stabilitatis suæ: nunc autem
Devs immortalis, etsi pœnas à nobis ob aliquod deli-
ctum expetiuerat, vel placatus iam, vel etiam satia-
tus, omnem spem salutis & remediū totum, ad sa-
pientiam Tuam contulisse videtur.

Quæ cum ita sint; gaude Serenissime Rex, Tu
isto tanto tamq; excellenti bono, & fruire, cum For-
tunâ & Gloriâ; tum etiam Naturâ & Moribus Tuis.
Maiestatem Tuam Regniq; Poloniarum, quæ à Car-
pato Tanaim ultra & Borysthenē & Bosporum, in-
tra Guttali & Volgæ alucos, ad vsq; Venedicum sinū,
quasi ocellus Septemtrionis resplenduit, contempla-
tus, pretioso Diademati eius Regale submitte ca-
put: Quot Coronæ radios; tot Prouincias Regni,
quot Pinnae, tot Ducatus in ea reperies, in quibus Tu
ut in podere vestis, Orbis terrarum olim portabatur,
amplissimam Reipub. dignitatem, vniuersa omnium
Ordinum studia & prærogatiuas, in verbo virtutis
Tuæ sustentabis. Circumspice paulisper, totā hāc
quæ ad ingressum Tuum foribus reclusis, quasi De-
um quendam salutabat, innumerabilem turbam, &
ex vultu gratulantium singulorum, coniecturam fa-
cias, quantum illa lætitiæ ex Honore Tuo cepisse vi-
deatur: vide has Equitum Polonorum legiones: flo-
rem totius Nobilitatis aduerte: hæc ornamenta pa-
cis, hæc belli subsidia, hæc lumina & firmamenta
totius Reipublicæ considera: quantum Tibi volun-
tate, studio, & suffragijs, cum summa testificatione
suæ

suæ in Te propensionis, gratulentur, recognosce. E-
quidem cum Academiae Matris meæ inclytæ Regum
Polonorum Filiæ, vota & desideria considero; cum
iuuentutis Polonæ plausus & gratulationes; cum o-
mnium hominum Ordinumq; alacritatem perspicio;
parietes ipsos huius Curia, in Tuos applausus gestire
crediderim; quod breui tempore, futura sit illa au-
thoritas, in his Maiorum Tuorum & Tuis sedibus cō-
firmata. Ingredere ergo iam Benedicte Domini: sis
in Nationes, & Reges populorum oriantur ex Te:
iam occupa Thronum: iam apprehende Sceptra &
Regnum, potestatemq; cælestium aut translatam,
nunc ad Te; aut certe cōmunicatā Tecum; in die hac
Diui Felicis auspicata, Felix & Beatus capeffe. Sis
Fortunator Augustis, sis melior Optimis Heroibus,
sis Potentissimus; Inuictissimus, Gloriosissimus. At
Vos o Diui Præsides & Patroni, Indigetes Po-
loniarum; quorum ope & consilio magis Regnū hoc;
quàm ratione hominum gubernatur: Vos Diue AD-
ALBERTE, STANISLAE, HYACINTE, Diue Pa-
triarcha noster CANTI, & Diue IAGELLONIDES
CASIMIRE oramus, vt firmatis rebus Nostreis Ve-
strisq; muneribus addentes perpetuitatem, hodiernū
diē, Regno Sacrum, solēnēq; ad Vestri Honoris gloriā
Poloniarūq; felicitatē, illuxisse patiamini; vt Sereniss:

C A S I M I R V S Q V A R T V S

Dominus Dominus Noster Clementissimus &

R E X Noster, prosperā, æquabili, perpetuāq;

Fortunā, secūdo vitę, sine vllis offēfionibus,

curfu perfruēs abunde, cum huius No-

ui Anni Auspicijs simul Felix, Faustum

Fortunatumq; Regni sui Exordi-

um ordiatur

D I X I.



ARMA ALMÆ ACADEMIÆ CRA-
COVIENSIS.



Impēsis ex Fundatione perpetua Generosi D. D. Bartholomæi
Nowodworski, Equitis Melitensis, Ord: S. Ioannis Bapt: Hie-
rosolimitani, Sacræ R. M. Aulici & Rotmagistri Commedaro-
ris Polnaniē: excuss.

BIBLIOTH. UNIV.

JAGELLONICAE

xx. 2. 6.

Biblioteka Jagiellońska



stdr0017117

